

na Ecclesie Vice-Cancellarii, duodecima die mensis Septembris, indictione nona, Anno ab Incarnatione Domini millesimo trecentesimo septuagesimo primo, Pontificatus vero dicti Gregorii XI. Papae Anno primo. Item praedictus Sanctissimus Pater Gregorius XI. propria manu se subscripsit, signum suum apponendo: & omnes Domini Cardinales etiam propriis manibus se subscriperunt, ad maiorem efficaciam, & certitudinem concessorum. Item Guido Portuensis Tituli Sanctae Rufinae Episcopus. Item Raymundus Episcopus Praenestinus. Item Frater Guilielmus Episcopus Ostiensis, & Velletriensis. Item Aegidius Tusculanus. Item Joannes Tituli Sanctae Mariae Presbyter Cardinalis. Item Guilielmus Tituli Sancti Stephani in Coelio Monte Presbyter Cardinalis. Item Guilielmus Tituli Sancti Clementis Presbyter Cardinalis. Item Stephanus Tituli Sancti Eusebii Presbyter Cardinalis. Item Franciscus Tituli Sanctae Sabinae Presbyter Cardinalis. Item Petrus Sanctae Praxedis Presbyter Cardinalis. Item Joannis Tituli Sancti Nerei, & Achilei Presbyter Cardinalis. Item Frater Bernardus Tituli Sanctae Priscae Presbyter Cardinalis. Item Robertus Basilicae Duodecim Apostolorum Presbyter Cardinalis. Item Guilielmus Tituli Sancti Vitalis Presbyter Cardinalis. Item Joannes Tituli Sancti Marcelli Presbyter Cardinalis. Item Petrus Tituli Sancti Laurentii in Damaso Presbyter Cardinalis. Item Joannes Tituli Sancti Joannis in Lucina Presbyter Cardinalis. Item Raynaldus Diaconus Cardinalis. Item Guilielmus Sancti Angeli Diaconus Cardinalis. Item Jacobus Sancti Georgii ad Velum Aureum Diaconus Cardinalis. Item Petrus Sancti Eustachii Diaconus Cardinalis. Item Ugho Sanctae Mariae in Porticu Diaconus Cardinalis. Item Petrus... Sanctae Mariae in Via Lata Diaconus Cardinalis.

§.26. Et successive pie memorie Bonifacius Papa VIII. similiter Praedecessor noster, omnia, & singulas libertates, immunitates, privilegia, & indulgentias, & facultates Abbati pro tempore existenti, ac Monachis Ordinis Carthusiensis, eorumque Monasteriis, seu locis ab Apostolica Sede quomodolibet concessa, seu indulta eidem Fratibus Sancti Pauli, eorumque Monasteriis, & locis, dummodo essent canonice instituta communicavit. Et quod Prior Generalis, & ceteri Priores, seu Locatenentes Ordinis Fratrum Eremitarum praedictos suos Fratres Novitios, & Conversos absolvere, & cum eis dispensare in casibus, in quibus Abbas, & Priores dicti Ordinis Carthusiensis poterant, libere, & perpetuo possent, indulsit, prout in ipsius Bonifacii Praedecessoris literis tenoris sequentis, videlicet.

§.27. Bonifacius Episcopus Servus Servorum Dei. Dilectis filiis Priori Generali, & Fratibus Sancti Pauli Primi Eremitae Ordinis S. Augustini salutem, & apostolicam benedictionem. In sinu Sedis Apo-

stolicae, cum Ordo, ac sacra Religio, sub qua virtutum Domino devotum impenditis famulatum, consistentes, sic splendent per virtutum incrementa, quod digne merentur praecipuis atq. favoribus, & spiritualibus gratis confoveri: Nos quidem Ordinem ipsum libenter prosequimur praerogativa favoris, & augmenta suorum processuum paternis affectibus promovemus.

§.28. Hinc est, quod Nos volentes, quod idem Ordo felicioribus exinde augeatur auspiciis, & tanto salubrius possit reddere Domino vota vestra, quanto potioribus fueritis gratis, & libertatibus a Sede Apostolica communiti, vestris hac in parte supplicationibus inclinati devotis, omnia, & singula libertates, immunitates, privilegia, indulgentias, & facultates, quae hic ex certa scientia praesentibus haberi volumus pro sufficienter expressis, dilectis filiis Patri Abbati pro tempore existenti, ac Fratibus Monachis Ordinis Carthusiensis, eorumque Monasteriis, seu locis ab Apostolica Sede quomodolibet concessa, seu indulta, vobis, & Monasteriis, ac locis vestris, dummodo sint canonice instituta, ut eis uti, & gaudere, & quod Prior Generalis, ac ceteri Priores, seu Locatenentes dicti vestri Ordinis possint suos Fratres Novitios, & Conversos absolvere, & cum eis dispensare in casibus, in quibus Pater Abbas, & Priores dicti Ordinis Carthusiensis possunt, libere, & perpetuo valeatis vobis auctoritate Apost. de speciali gratia, Constitutionibus, & Ordinationibus Apostolicis, necnon statutis, & consuetudinibus, tam praefatarum, quam omnium aliarum ordinationum, ac aliis contrariis non obstantibus quibuscumque, tenore praesentium indulgemus.

Nulli ergo omnino hominum liceat hanc paginam nostrae concessionis infringere, vel ei ausu temerario contraire. Si quis autem hoc attentare praesumpserit, indignationem Omnipotentis Dei, ac Beatorum Petri, & Pauli Apostolorum eius se noverit incursum. Datum Romae apud S. Petrum, octavo Kalendas Martii, Pontificatus nostri anno duodecimo, Incarnationis vero Dominicae anno millesimo trecentesimo nonagesimo.

Ad hoc dictus Gregorius Praedecessor, intuitu, & contemplatione gloriose etiam memorie Ludovici Regis Hungariae, Monasteria, Prioratus, & loca dictorum Fratrum Sancti Pauli, quae tunc habebant, & iustis modis in posterum obtinerent, cum Ecclesiis, seu Oratoriis eorumdem, ac personis in eis degentibus a jurisdictione, ac dominio, & potestate Dioecesanorum, & quorumcumque ordinariorum Judicum, exemit, & totaliter liberavit, districtius inhibens Dioecesanis, & aliis Ordinariis quibuscumque, ne in Monasteria, Prioratus, vel loca hujusmodi, aut Ecclesias, & Oratoria eorumdem, vel personas in illis degentes jurisdictionem aliquam exercere praesumerent. Ac decernentes Monasteria,

ria, Prioratus, ac Loca, necnon Ecclesias, Oratoria, & personas hujusmodi sibi, & Apostolicae Sedi immediate subiecta esse, prout in infra scriptis ejusdem Gregorii Praedecessoris, quarum tenor sequitur.

Gregorius Episcopus Servus Servorum Dei. Dilectis Filiis Priori Generali, & Fratibus Sancti Pauli Primi Eremitae sub regula Sancti Augustini in Hungaria, & aliis Mundi partibus constitutis, salutem, & Apostolicam benedictionem. Sacrae vestrae Religionis, sub qua mundanis abjectis illecebris, devotum, ac sedulum impenditis Domino famulatum, promeretur honestas, ut vos, & loca vestra specialibus gratis, & favoribus prosequentes, illa vobis libenter concedamus, per quae divinis obsequiis, ac studio pie vitae quietius, & liberalius vacare possitis.

Hinc est, quod Nos consideratione charissimi in Christo filii nostri Ludovici Regis Hungariae Illustris nobis super hoc humiliter supplicantis, & vestris in hac parte supplicationibus inclinati, Monasteria, Prioratus, ac Loca vestra, quae in praesentiarum habetis, & praesente Domino iustis modis in posterum obtinebitis, cum Ecclesiis, seu Oratoriis eorumdem, ac personis in eis degentibus praesentibus, & futuris a jurisdictione, ac dominio, & potestate Dioecesanorum, & quorumcumque ordinariorum Judicum, auctoritate apostolica tenore praesentium eximimus, & totaliter liberamus: Districtius inhibentes Dioecesanis, & aliis Ordinariis quibuscumque, ne in Monasteria, Prioratus, vel loca vestra, aut Ecclesias, & Oratoria eorumdem, vel personas in illis degentes, praesentes, vel futuras, jurisdictionem aliquam exercere praesumant; ac decernentes auctoritate praefata, Monasteria, Prioratus, ac Loca, necnon Ecclesias, Oratoria, ac personas hujusmodi, Nobis, & Apostolicae Sedi immediate subesse, ac irritum, & inane, si secus super hoc a quocumque quavis auctoritate scienter, vel ignoranter contigerit attentari.

Nulli ergo omnino hominum liceat hanc paginam nostrae exemptionis, liberationis, inhibitionis, & constitutionis infringere, vel ei ausu temerario contraire: Si quis autem hoc attentare praesumpserit, indignationem Omnipotentis Dei, ac Beatorum Petri, & Pauli Apostolorum eius se noverit incursum. Datum Anapinae sexto decimo Kalendas Octobris, Pontificatus nostri anno septimo, Incarnationis vero Dominicae millesimo trecentesimo septuagesimo septimo.

Et denique per felicis memorie Martini Papam Quintum Praedecessorem nostrum accepto, quod antea dictus Bonifacius Papa Octavus Praedecessor, ipsorum Prioris, & Fratrum precibus annuens, & cupiens, ut praefatus illorum Ordo eo felicioribus proficeret incrementis, quo majoribus gratis foret ab eadem Sede Apostolica communitus, auctoritate apostolica, & irrefragabili Constitutione prohibuerat, Bull. Rom. Tom. VI, Par. IV.

ne aliqui, vel aliquis, cujusvis status, gradus, seu conditionis existeret, vel existerent, aliquam personam Religiosam, vel Fratrem dicti Ordinis professum, vel conversum de dicto Ordine in Fratrem alicujus alterius Ordinis paris, seu etiam arctioris recipere, seu alias ad professionem admittere sine speciali licentia, & Apostolicae Sedis potestate faciente plenam, & expressam de verbo ad verbum de prohibitione hujusmodi mentionem, de cetero sub excommunicationis poena, quovis modo praesumeret, seu praesumerent, prohibitionem praesentem, ac inde secuta quaecumque, eadem apostolica auctoritate approbavit, & confirmavit, & per alias literas, personas dictorum Fratrum, & loca, in quibus divino essent mancipati obsequio, cum omnibus bonis, quae tunc rationabiliter possidebant, aut in futurum iustis modis adipisci poterant, sub Sancti Petri protectione suscepit, atque Decimas, Terras, Possessiones, Domos, Vineas, Hortos, & alia bona eorumdem Fratrum, necnon omnes immunitates, & libertates eis a Praedecessoribus suis Romanis Pontificibus concessas, necnon libertates, & exemptiones secularium exactioem a Regibus, Principibus, & aliis Christianis rationabiliter ipsis Fratribus, & eorum locis hujusmodi concessas confirmavit, prout in ipsius Martini Praedecessoris, quarum tenor sequitur.

Martinus Episcopus Servus Servorum Dei. Ad perpetuam rei memoriam. Sedis Apostolicae providentia circumspicienda personas sub regulari observantia vacantes assiduo studio pie vitae, benigno favore prosequimur, & quae pro ipsarum completendis indemnitatibus, ac Religionis perseverantia pariter, & augmento provida deliberatione facta fuere, ut illibata persistant, solidiorem Apostolici roboris consecuit adiacere firmitatem. Dudum siquidem Bonifacius in sua obedientia, sub qua dilecti filii Prior, & Fratres Sancti Pauli Primi Eremitae Ordinis Sancti Augustini tunc persistebant, Nonus nominatus ipsorum Prioris, & Fratrum precibus annuens, ac cupiens, ut Ordo praefatus eo felicioribus proficeret incrementis, quo majoribus gratis foret ab eadem Sede, communicatus, auctoritate apostolica, & irrefragabili constitutione prohibuit, ne aliquis, vel aliqui, cujusvis status, gradus, seu conditionis existeret, vel existerent, aliquam personam Religiosam, vel Fratrem dicti Ordinis professum, vel conversum de dicto Ordine in Fratrem alicujus alterius Ordinis paris, seu etiam arctioris recipere, seu alias ad professionem admittere sine speciali licentia Sedis praefatae, faciente plenam, ac expressam, ac de verbo ad verbum de prohibitione hujusmodi mentionem, de cetero sub excommunicationis poena, quam contrafacientes incurrere voluit eo ipso, quovis modo praesumerent, prout in suis literis desuper confectis plenius continetur.

Quare pro parte dilectorum Prioris, & Fratrum Nobis fuit humiliter supplicatum, ut prohibitionem, ac literas hujusmodi prioris Sedis Apostolicæ munimifis præsidio fulcire, de benignitate apostolica dignaremur. Nos igitur hujusmodi supplicationibus inclinati, prohibitionem, ac literas prædictas, ac inde sequuta quæcumque rata habentes, & grata, illa eadem auctoritate approbamus pariter, & confirmamus, ac præsentis scripti patrocinio communitimus. Nulli ergo omnino hominum liceat hanc paginam nostræ approbationis, confirmationis, & communionis infringere, vel ei ausu temerario contraire. Si quis autem hoc attentare præsumperit, indignationem Omnipotentis Dei, ac Beatorum Petri, & Pauli Apostolorum ejus se noverit incursum. Constantiæ tertio Kal. Jan., Pontificatus nostri anno primo. Et in aliis ejusdem Martini Prædecessoris, scilicet.

Martinus Episcopus, Servus Servorum Dei. Dilectis filiis Priori Generali, Vicariis, & Prioribus, ac Universis Fratribus S. Pauli Primi Eremitæ Ordinis Sancti Augustini ubicumque consistentibus, salutem, & Apostolicam benedictionem. Cum a nobis petitur quod justum est, & honestum, tam vigor æquitatis, quam etiam ordo exit rationis, ut id per sollicitudinem officii nostri ad debitum perducatur effectum. Ea propter dilecti in Domino filii, quibus licet habere possessiones, & proprium in communi, ex indulto Sedis Apostolicæ speciali, vestris justis postulationibus grato concurrentes assensu personas vestras, & loca in quibus divino estis mancipati obsequio, cum omnibus bonis, quæ in præsentiarum rationabiliter possidetis, aut in futurum justis modis præstante Domino poteritis adipisci, sub Beati Petri protectione suscipimus, atque nostra speciali auctoritate Decimas, Terras, Possessiones, Domos, Vineas, Hortos, & alia bona vestra, necnon omnes libertates, & immunitates a Prædecessoribus nostris Romanis Pontificibus, sive per Privilegium, vel alias Indulgentias vobis, & locis vestris concessas, necnon libertates, & exemptiones secularium exactioum a Regibus, Principibus, vel aliis Christianidelibus rationabiliter vobis, & iisdem locis vestris concessas, sicut ea omnia iuste, & pacifice possidetis, vobis, & per vos eisdem locis vestris Apostolica auctoritate confirmamus, & præsentis scripti privilegio communitimus.

Nulli ergo omnino hominum liceat hanc paginam nostræ confirmationis, & communionis infringere, vel ei ausu temerario contraire. Si quis autem hoc attentare præsumperit, indignationem Omnipotentis Dei, ac Beatorum Petri, & Pauli Apostolorum ejus se noverit incursum. Datum de Cennis 7. Kal. Junii, Pontificatus nostri anno primo, Incarnationis vero Domini nostri millesimo quadringentesimo decimo septimo: singulis præinsertis literis plenius continetur.

Quare pro parte dilecti filii moderni Prioris Generalis, & Fratrum S. Pauli hujusmodi Nobis fuit humiliter supplicatum, quatenus literas præfatas, ac privilegia, & indulta, facultates, libertates, aliaque præmissa pro firmiori eorum subsistentia, apostolica auctoritate approbare, & confirmare, aliaque in præmissis providere, de benignitate apostolica dignaremur.

Nos igitur, qui iustis, & honestis petitionibus libenter annuimus, eaque favoribus prosequimur opportunis, modernos Priorem præfatum, & Fratres S. Pauli hujusmodi, & eorum singulos a quibusvis excommunicationis, suspensionis, & interdicti, aliisque ecclesiasticis sententiis, censuris, & penis a jure, vel ab homine quavis occasione, vel causa latis, si quibus quomodolibet innodati existunt, ad effectum præsentium dumtaxat consequendum, harum serie absolventes, & absolutos fore censentes, hujusmodi supplicationibus inclinati: Ex voto Venerabilium Fratrum nostrorum S.R.E. Cardinalium, super causis ad Episcopos & Regulares spectantibus præpositorum, dilecto filio nostro Tiberio Tituli Sanctæ Priscæ Presbytero Cardinale Muto nuncupato referente, singulas literas prædictas, ac privilegia, indulta, facultates, libertates, immunitates, exemptiones, prærogativas, præminentias, concessiones, indulgentias, favores, & alias gratias universas spirituales, & temporales Priori Generali, & Fratribus S. Pauli, eorumque Ordini, ac Ecclesiis, Cappellis, Oratoriis, Domibus, & aliis locis, bonis, & rebus præfatis, tam per prædictos, uti præmittitur, ac alios Romanos Pontifices Prædecessores nostros, etiam per viam Extensionis, & communicationis, quam per quoscumque Imperatores, Reges, Duces, & alios Principes, ac personas seculares quomodocumque, & qualitercumque concessas, cum omnibus, & singulis inde legitime secutis, & sequendis (quatenus privilegia hujusmodi sint in usu, nec hæcenus revocata, aut sub aliqua revocatione comprehensa, & salva Concilii Tridentini quoad exemptionem a jurisdictione Episcoporum, & Ordinariorum, & circa accessum ad Synodum, benedictiones vasorum, ac vestium, necnon Altarium consecrationes, dispositionem, & circa Novitiorum receptionem, salva pariter dispositione Constitutionum Apostolicarum, & Institutionum Generalium, & præterquam quoad Agriculturam propriis eorum manibus faciendam) apostolica auctoritate prædicta, tenore præsentium perpetuo approbamus, & confirmamus, grataque, & rata habemus, ac denuo concedimus, necnon illis perpetuæ, & inviolabilis apostolicæ firmitatis robur adicimus, omnesque, & singulos, tam juris, quam facti, & solemnitarum quarumcumque de jure, usu, vel consuetudine, aut alias quomodolibet requisitarum, vel necessariorum, & quovis alios quantumvis substantiales defectus, si qui quomodolibet intervenerint, aut intervenisse dici,

dici, vel censi possint in eisdem, dicta auctoritate apostolica supplemus.

Decernentes, Literas, Privilegia, Indulta, Facultates, Libertates, Immunitates, Exemptiones, Prærogativas, Præminentias, Concessiones, Indulgentias, Licentias, Favores, & alias Gratias prædictas, perpetuo validas, & efficaces, ac valida, & efficacia esse, & fore, suosque plenarios, ac integros effectus sortiri, & obtinere. Necnon Priori Generali, & Fratribus Sancti Pauli, & eorum Ordini, illiusque Ecclesiis, Cappellis, Oratoriis, Domibus, & aliis locis, rebusque, & bonis prædictis suffragari, illasque, & illa, tam per Priorem Generalem, Provinciales, eorumque Vicarios, Definidores, aliosque Superiores, & Officiales nunc, & pro tempore existentes dicti Ordinis S. Pauli, quam quoscumque alios, ad quos nunc quomodolibet spectat, & spectare poterit in futurum, perpetuo firmiter, & inviolabiliter observari, & adimpleri debere, ab illisque resili, & recedi nunquam possit, sique per quoscumque Judices ordinarios, & delegatos, quavis auctoritate fungentes, etiam causarum Palatii Apostolici Auditores, ac dicte S.R.E. Cardinales, etiam de latere Legatos, & Vicelegatos, dictæque Sedis Nuncios judicari, & definituri debere, ac irritum, & inane, si secus super his a quoquam quavis auctoritate scienter, vel ignoranter contigerit attentari.

Non obstantibus præmissis, ac Regula nostra de gratiis, & Indulgentiis ad instar non concedendis, aliisque quibusvis Constitutionibus, & Ordinationibus Apostolicis, dicti Ordinis S. Pauli, etiam juramento, confirmatione apostolica, vel quavis firmitate alia roboratis statutis, & consuetudinibus, privilegiis quoque, indultis, & Literis Apostolicis illi, illiusque Superioribus, & personis sub quibuscumque tenoribus, & formis, ac cum quibusvis clausulis, & decretis in contrarium forsitan quomodolibet concessis, approbatis, & innovatis. Quibus omnibus, etiam si pro illorum sufficienti derogatione de illis, illorumque totis tenoribus specialis, specifica, expressa, & individua, ac de verbo ad verbum, non autem per clausulas generales idem importantes mentio facienda, aut quavis alia expressio habenda, vel aliqua exquisita forma ad hoc servanda foret, illis aliis in suo robore permanens, hac vice dumtaxat harum serie specialiter, & expresse derogamus, cæterisque contrariis quibuscumque.

Volumus autem, quod præsentium transumptis, manu alicujus Notarii publici subscriptis, vel impressis, ac sigillo alicujus Prælati, aut Generalis ejusdem Ordinis S. Pauli, vel persone in dignitate ecclesiastica constituta munitis, eadem prorsus fides adhibeatur in judicio, & extra illud, ac in Romana Curia, & extra eam, ac si originales literæ forent exhibitæ, vel ostensæ. Nulli ergo omnino hominum liceat hanc paginam nostræ absolutionis, confir-

mationis, approbationis, defectuum supplementationis, decreti derogationis, & voluntatis infringere, vel ei ausu temerario contraire. Si quis autem hoc attentare præsumperit, indignationem Omnipotentis Dei, ac Beatorum Petri, & Pauli Apostolorum ejus se noverit incursum. Datum Romæ apud S. Petrum, anno Incarnationis Domini millesimo sexcentesimo vigesimo tertio, Idibus Februarii, Pontificatus nostri Anno I.

§.3. Cum autem, sicut eadem expositio subjungebat, prædictus Ordo S. Pauli Primi Eremitæ, & seu ejus Prior Generalis, & Fratres in literis præinsertis, Ordinis S. Augustini, per errorem denominentur, & nuncupentur, quippe qui sub Regula quidem ejusdem S. Augustini ex concessione Sedis Apostolicæ vivunt, non tamen dicti Ordinis S. Augustini existant. Cumque firmiora, & illibiora persistant illa, quæ sæpius Apostolice munimifis constabuntur præsidio; Nobis propterea prædicti Prior Generalis, & Fratres exponentes humiliter supplicari fecerunt, ut sibi in præmissis opportune providere, de benignitate apostolica dignaremur.

§.4. Nos igitur eosdem exponentes specialibus favoribus, & gratiis prosequi volentes, & eorum singulares personas a quibusvis excommunicationis suspensionis, & interdicti, aliisque ecclesiasticis sententiis, censuris, & penis, a jure, vel ab homine quavis occasione, vel causa latis, si quibus quomodolibet innodati existunt, ad effectum præsentium dumtaxat consequendum, harum serie absolventes, & absolutos fore censentes, hujusmodi supplicationibus inclinati, Ordinem S. Pauli Primi Eremitæ hujusmodi, & seu ejus Priorem Generalem, & Fratres in præinsertis literis, Ordinis Sancti Augustini, per errorem denominatos, & nuncupatos fuisse, auctoritate apostolica, tenore præsentium declaramus, ipsosque Priorem Generalem, & Fratres proinde Ordinis S. Pauli Primi Eremitæ, sub Regula ejusdem S. Augustini, non autem Ordinis S. Augustini, denominari, dici, & nuncupari debere statuimus, & decernimus.

§.5. Præterea singulas Urbani, & aliorum Prædecessorum Literas Apostolicas præinsertas, ac Privilegia, Indulta, Facultates, Libertates, Immunitates, Exemptiones, Prærogativas, Præminentias, Indulgentias, Favores, & alias Gratias universas, Spirituales, & Temporales, dicto Ordini S. Pauli Primi Eremitæ, ejusque Priori Generali, & Fratribus, necnon Ecclesiis, Cappellis, Oratoriis, domibus, & aliis locis, bonis, & rebus præfatis, tam per prædictos, ut præfertur, & alios Romanos Pontifices Prædecessores nostros, tam per viam extensionis, & communicationis, quam per quoscumque Imperatores, Reges, Duces, & alios Principes, ac personas seculares quomodocumque, & qualitercumque respective concessas, & concessas, cum omnibus, & singulis inde legitime secutis, & secuturis (quatenus tamen privilegia hujusmo-

iusmodi sint in usu, nec haecenus revocata, aut sub aliqua revocatione comprehensa) & alias juxta praesentia Urbani Praedecessoris literas, sublato, & correcto dumtaxat errore circa denominationem, & nuncupationem dicti Ordinis Sancti Pauli Primi Eremitae, & seu ejus Prioris Generalis, & Fratrum, sicut praemittitur, commisso, auctoritate, & tenore praesentium perpetuo confirmamus, & approbamus, illisque inviolabiliter apostolice firmitatis robur adiciamus, ac omnes, & singulos juris, & facti defectus, si qui quomodolibet intervenerint in istdem, supplemus.

§.6. Decernentes easdem praesentes, ac praesentia literas semper firmas, validas, & efficaces existere, & fore, ac praedicto Ordini S. Pauli Primi Eremitae, ejusque Priori Generali, & Fratribus, & aliis ad quos quoquo modo spectat, & spectabit in futurum, plenissime suffragari, & ab illis respective inviolabiliter observari; sicque in praemissis per quoscumque Judices ordinarios, & delegatos, etiam causarum Palatii Apostolice Auditorum etiam S. R. E. Cardinales, & de latere Legatos judicari, & definiri debere, ac irritum, & inane, si secus super his a quoquam quavis auctoritate scienter, vel ignoranter contigerit attentari.

§.7. Non obstantibus quoad ea, quae praesentibus quomodolibet adversantur, praesentibus literis, necnon omnibus, & singulis, quae in eisdem literis concessa sunt, non obstante, ceterisque contrariis quibuscumque.

§.8. Volumus autem, ut praesentium, transumptis, manu alicujus Notarii publici subscriptis, & sigillo Prioris Generalis dicti Ordinis S. Pauli Primi Eremitae, vel alicujus personae in ecclesiastica dignitate constitutae munitis, eadem prorsus fides in judicio, & extra illud, ubique locorum adhibeatur, quae ipsis praesentibus adhiberetur, si forent exhibita, vel ostensa.

Dat. die 6. Sept. 1658. An. IV. Datum Romae apud S. Mariam Majorem sub Annulo Pisc. die 6. Septembris 1658. Pont. nostri Anno IV.

CCV.

Breve confirmationis contractus unionis, seu consortii Ecclesiae, ac modi eligendi Officiales inter Universitates Cauponum, seu Hospitum, & Albergatorum Urbis.

ALEXANDER PAPA VII.

Ad futuram rei memoriam.

Motiva hujus Consilii.

EX commissa Nobis divinitus dispensationis officio controversias inter Universitatem Stabulariorum, seu Albergatorum ex una, & Universitatem Cauponum, seu Hospitum, necnon Hospitum Albergatorum mixtorum de Urbe ex altera partibus, de, & super praesentia rescissione, sive nullitate contractus unionis, seu con-

sortii Ecclesiae S. Juliani, & aliis hinc inde deductis praetensionibus, & signanter super electione Guardianorum, & Officialium earundem Universitatum subortas dirimere cupientes.

§.1. De Congregationis Venerabilium Fratrum Nostrorum S. R. E. Cardinalium, & dilectorum filiorum Romanae Curiae Praelatorum super negotiis Visitationis Apostolicae, Ecclesiarum, & Locorum Piorum Urbis praedictae a Nobis instituta deputatorum consilio auditis pluries per Venerabilem Fratrem Marcum Antonium Episcopum Hierapolitanum unum ex Praelatis, & exequutorem decretorum ejusdem Congregationis, partibus praefatis, earumque rationibus, & iuribus ponderatis, ad conservandam unitatem, concordiam, & pacem inter easdem Universitates, illarumque homines, & ut omnis inter eos dissensionis fomentum, de cetero praedatur, ac illi in unum fraterna charitate convivant.

§.2. Instrumentum unionis, & concessionis consortii antedictae Ecclesiae Sancti Juliani, licet nondum Sedis Apostolicae auctoritate in vim literarum fel. rec. Urb. Papae VIII. Praedecessoris nostri in simili forma Brevis expeditarum confirmatum, inter partes praedictas servandum esse, auctoritate Apostolica, tenore praesentium, decernimus.

§.3. Praeterea, quod fructus locorum, quinque Montis Salis secundae erectionis provenientes ex pretio communicationis dictae Ecclesiae, soluto per Universitatem Hospitum, seu Cauponum spectent, & sint proprii, ac ad liberam dispositionem antedictae Universitatis Albergatorum; reliqui vero fructus aliorum duorum locorum ejusdem Montis, quae remanent, & continentur in literis patentibus die 28. Aprilis 1644., & die 16. Novembris 1645. expeditis, sint pariter, & spectent ad liberam dispositionem Universitatis Hospitum, seu Cauponum, ita tamen, ut fructus praedicti erogari non possint, nisi in usum, & beneficium dictae Ecclesiae olim S. Juliani, nunc autem sub invocatione Sanctorum Martini, & Juliani, auctoritate, & tenore praedictis statuimus, & ordinamus.

§.4. Volentes, quod in futurum eligantur sex Guardiani, duo scilicet ex simplicibus Albergatoribus, alii duo ex Hospitibus, seu Cauponibus, reliqui vero duo ex Hospitibus Albergatoribus mixtis; ad effectum praedictum fieri debeat tres pyxides, seu bursulae, in quibus ponantur, seu imbusulentur personarum Universitatum hujusmodi nomina, extrahenda solitis temporibus, & idem proportionabiliter fervetur in ceteris Officialibus earundem Universitatum.

§.5. In reliquis vero observentur ipsarum Universitatum statuta, necnon conventiones, & disposita in praedicto instrumento consortii, quibus nullatenus censetur derogatum. Ceterum praesentes literas semper firmas, validas, & efficaces existere, & fore, illisque ad quos spectat, & pro

& pro tempore spectabit, plenissime suffragari, & ab illis respective inviolabiliter observari; sicque in praemissis per quoscumque Judices ordinarios, & delegatos, etiam causarum Palatii Apostolice Auditorum judicari, & definiri debere, ac irritum, & inane, si secus super his a quoquam quavis auctoritate scienter, vel ignoranter contigerit attentari, pariter decernimus.

Contraria tollit.

§.6. Non obstantibus praemissis, ac Constitutionibus, & Ordinationibus Apostolicis, necnon quatenus opus sit, memoratarum Universitatum, etiam juramento, confirmatione apostolica, vel quavis firmitate alia roboratis statutis, & consuetudinibus, privilegiis quoque, indultis, & Literis Apostolicis in contrarium praemissorum quomodolibet concessis, confirmatis, & innovatis. Quibus omnibus, & singulis, illorum tenores praesentibus pro plene, & sufficienter expressis habentes, illis alias in suo robore permanentibus, hac vice dumtaxat specialiter, & expresse derogamus, ceterisque contrariis quibuscumque.

Dat. die 10. Sept. 1658. An. IV.

Datum Romae apud S. Mariam Majorem sub Annulo Piscatoris, die 10. Sept. 1658. Pontificatus nostri Anno IV.

CCVI.

Ex Reg. in Secret. brev.

Super contributione Ecclesiasticorum Regnorum Castellae, & Legionis in 19. millionibus pro defensione fidei catholicae dictorum Regnorum, & praesertim adversus invasiones Anglicorum haereticorum, quas Rex Catholicus sustinet.

Charissimo in Christo filio nostro Hispaniarum Regi Catholico.

ALEXANDER PAPA VII.

Charissime in Christo fili noster salutem, & apostolicam benedictionem.

Procurium.

Orthodoxae fidei conservandae, et propagandae zelus, ac singularis in Nos, et Apostolicam Sedem devotio, aliaque Catholici nomine optimo jure, insigniti Regis praecleara merita, quae in maiestate tua coelesti gratia resplendent. plane exigunt, ut subsidia pro ejusdem fidei, et Dominiorum tuorum praesertim adversus haereticorum conatus defensione a tuis subditis prompte tibi oblata, quantum cum Domino possumus, ac prout postulare videtur temporum conditio, adjuvemus.

Expositio.

§.1. Cum itaque, sicut maiestatis tuae nomine Nobis nuper expositum fuit, Laici Subditi tuorum Regnorum Castellae, & Legionis in eorum Comitibus, seu Curis infra scriptum subsidium Maiestati tuae praestare prompte obtulerint, & ad praedictum effectum consenserint impositioni gabellarum, seu sissarum super vino, aceto, oleo, & carne, videlicet octavae partis specierum, vel pretii vini, aceti, & olei, ac ultra sissas super carne antea impositas, & trium re-

gularium pro quolibet capite pecudum, & trium morapetorum pro qualibet libra carnis, quae minutatim venditur, sedecimque morapetorum pro qualibet mensura Arroba nuncupata vini sissati, alteriusque morapetini pro qualibet mensura acum. bre nuncupata vini etiam sissati, ac sexdecim morapetorum pro qualibet mensura olei Arroba nuncupata, & quatuor morapetorum pro qualibet libra candelarum de sevo, & saponis, vel alias veteribus quantitatibus impostarum, & auctarum, quae sunt exigenda, & percipienda, durante sexennio incepto a prima die mensis Augusti 1656. nempe pro summa decem, & novem millionum cum dimidio alterius millionis ad rationem trium millionum, & ducentorum, & quinquaginta millium ducentorum monetae Hispaniae quolibet anno praedicti sexenii solvenda ex praedictis gabellis, seu sissis super praedictas rerum species, ut praefertur, impositis, & auctis, ita ut omnes tam laici, quam Ecclesiastici praedictorum Regnorum non solum ementes, & vendentes, sed etiam illi, qui praedictas rerum species percipiunt ex propriis terrenis, vel affectibus, aut respective emunt in uvis, vel olivis, seu colligunt pro decimis, aut etiam dono accipiunt, seu alias ex quovis alio reddito, & introitu habent, & consumunt, ita ut omnes laici cujuscumque status, gradus, conditionis, ac praeminentiae ad id subsidium contribuere, ac gabellas, seu sissas hujusmodi solvere debent, nec ullus laicus immunis, aut exemptus esset, Ecclesiastici quoque, eorumdem Regnorum si, & postquam Nostra, & hujus Sanctae Sedis licentia, & approbatio accesserit in subsidio hujusmodi scilicet in praedictis gabellis super eisdem speciebus impositis, & auctis contribuere, ac gabellas, seu sissas praedictas juxta literarum nostrarum in forma Brevis super praedicta licentia, seu approbatione expediendarum formarum, continentiam, & tenorem perolvere deberent; Idcirco pro parte ejusdem Maiestatis tuae Nobis fuit humiliter supplicatum pro approbatione oneris, Cleri, Ecclesiarum, Locorumque Piorum, & personarum Ecclesiasticarum ad contribuendum in praedicto Sexennio incepto a praedicto mense Augusti anni 1656., & ut sequitur usque ad mensem Augusti 1662. finiendo in praedictis sissis, & gabellis jam, ut praefertur, impositis, & auctis pro solutione praedictorum millionum decem, & novem, cum dimidio alterius millionis, attento quod, ut Maiestas tua asserit, haecenus actum fuerit, & de presenti agatur de communi defensione, & interesse tam laicorum, quam Cleri, Ecclesiarum, Locorum Piorum, & personarum Ecclesiasticarum praedictorum Regnorum, quodque facultates laicorum ad summam praedictam conficiendam ea, qua expedit celeritate, infra tempus opportunum non sufficerent.

§.2. Nos igitur, nedum promptam, & obsequentem eorumdem laicorum subditorum tuorum erga Te oblationem, sed etiam Ma-

Imponit contributionem 19 millionum Ecclesiasticis Regnorum Castellae.

jestatis tuae erga fidem Catholicam zelum commendantes, & ad ingentes sumptus, quibus Majestas tua gravatur ob assidua, quae pro defensione fidei Catholicae, tuorumque Regnorum, & Dominiorum Jugiter in pluribus Orbis partibus, & praesertim adversus invasiones Anglorum haereticorum sustinet bella paternae dirigentes considerationis intuitum. Motu proprio, & ex certa scientia, ac matura deliberatione nostris, deque Apostolicae potestatis plenitudine, praevia etiam respectu exactorum haecenus a praedicta prima die Augusti absolute a quibuscumque censuris, & poenis quam tenore praesentium concedimus, volentes Majestatem tuam favore prosequi gratioso, Clerum, omnesque, & singulas Ecclesias, Loca Pia, personasque Ecclesiasticas tam seculares, quam cujusvis Ordinis, etiam exempti, etiam Societatis Jesu, & Apostolicae Sedi immediate subjecti regulares, necnon Monasteria utriusque Sexus, Conventus, & Collegia, ac Capitula quarumcumque Ecclesiarum Regnorum Castellae, & Legionis praedictorum, ac in eisdem Regnis commorantes, & commorantia, & respective consistentes, & consentientia ad conferendum, & contribuendum pro eorum rata ad instar laicorum in dictis gabellis, seu sisis, quoad praedictam summam dumtaxat decem, & novem millionum cum dimidio alterius millionis praedictorum monetae illorum Regnorum mediante scilicet solutione praedictarum gabellarum, seu sifarum in praedicta quantitate tantum, & super praedictis rerum speciebus dumtaxat in dictis Regnis colligendis, & consumendis, ut praefertur impostarum durante sexennio dumtaxat a praedicto Mense Augusti Anni 1656., ut praemittitur inchoato, & ut sequitur finiendo, & non ultra teneri, & obligatos esse, non tamen quoad praedictas rerum species, quas Clerus, Ecclesia, Locaque Pia praedicta, & persona Ecclesiastica praedicta ex propriis terrenis, seu decimis, & aliis quibuscumque redditibus propriis per se, vel alios, etiam Affiduarios suos, vel etiam ex elemosynis, sive oblatim, sive alio quovis modo pro tempore datis, & erogatis, ac ipsis traditis percipiunt, & pro divino cultu, seu propriis, vel familiarum suarum usibus juxta taxationem, ubi super his partes discordes fuerint ad instantiam cujuslibet earum, expensis tamen perperam contradicentis per Ordinarios locorum Ecclesiasticos, seu ab eis deputatos faciendam consumunt, pro quibus omnino immunes, & exempti sint, & elapso praedicto sexennio exactio respectu Ecclesiasticorum cesset, & nullatenus quovis praetextu, vel causa continuari possit, etiam si integra summa decem, & novem millionum cum dimidio alterius millionis hujusmodi adhuc non fuisset exacta, quodque si ante finem sexennii praedicti summa decem, & novem millionum cum dimidio alterius millionis ducatorum hujusmodi, collecta fuerit, Ecclesiastici praedicti amplius contribuere, & dictas gabel-

las, seu sisas, ut praefertur, solvere non debeant, sed praesens gratia expiret, nulla- que sit eo ipso.
§.3. Quodque Clerus, Ecclesiae, Loca pia, & persona Ecclesiastica praedicta durante praedicto sexennio non possit gravari ratione cujusvis alterius novi augmenti praedictarum gabellarum, & sifarum super eisdem, ac novae impositionis aliarum gabellarum, & sifarum super quibuscumque rerum speciebus, nec etiam pro portionibus juro nuncupatis, de laicorum tantum consensu alias ereclis, & impositis, eorumque fructibus, nisi si, & postquam beneplacitum nostrum, seu a Successoribus nostris concessum fuerit, alias in quolibet casu contraventionis, quilibet contraveniens eo ipso absque alia monitione, & declaratione sententiam excommunicationis majoris reservata illius, ut infra exprimitur, absolute, incurrat, et ad restitutionem illius, in quo excesserit, teneatur, tenore earumdem praesentium decernimus, et declaramus; Volentes etiam, quod omnes, et singuli Ecclesiastici praefati solvere recusantes, opportunitis juris, et facti remediis per Ordinarios locorum Ecclesiasticos tantum ad solutionem hujusmodi cogantur, non autem coram Judicibus laicis, sive Exactoribus earumdem gabellarum, sive sifarum, neque coram quibusvis aliis Judicibus laicis, aut Ministris sub poena excommunicationis majoris, & aliis poenis a Sacris Canonibus, & Constitutionibus Apostolicis inflictis, & comminatis ipso facto sine alia monitione, & declaratione incurrendis, a quibus a nemine praeterquam a Nobis, & Romano Pontifice pro tempore existente absolvi etiam vigore quorumcumque privilegiorum apostolicorum, etiam Cruciatum Sanctae, nequeant, conveniri ullo modo possint, seu debeant, sed a praedictis Ordinariis Ecclesiasticis tantum ad solutionem hujusmodi compelli valeant, quibus Ordinariis sub interdicti ingressu Ecclesiae, & suspensionis a divinis, necnon omnibus, & singulis ejusdem Majestatis tuae Officialibus, & Ministris cujuscumque status, gradus, conditionis, dignitatis, & praeminentiae fuerint, ac aliis quibuscumque etiam speciali nota dignis, etiam Apostolicae Sedis delegatis, & Commissariis, etiam Cruciatum praedictae, ceterisque omnibus aliis, ad quos quomodolibet spectat, & pro tempore spectabit, sub praedicta excommunicationis majoris poena, ut praefertur, eo ipso incurrenda, ejus absolute itidem, ut supra, reservata, ac sub obestatione divini Judicii, & interminatione maledictionis aeternae districte praecipiendo mandamus, ne Ecclesias, & Loca praedicta, ac Clerum, & Ecclesiasticos, aliosque praedictos indebite, neque ultra, praeter, aut contra continentiam, & tenorem praesentium nostrarum literarum gravent quomodolibet, nec a quoquam gravari permittant, & nedum contra quoscumque contravenientes, & quomodolibet inobservantes ad sententiarum,

Clerum, Ecclesias &c. gravi minime judicari, & decessu.

rum, & poenarum praedictarum declarationem, & promulgationem respective, sed etiam contra eosdem Ecclesiasticos, & Regulares etiam exemptos, Nobisque, & Sedi Apostolicae immediate subjectos, etiam Societatis Jesu solvere recusantes ad quamcumque simplicem eorumdem exactorum requisitionem, etiam executive, ac quacumque appellatione remota, auctoritate nostra procedant.
§.4. Volumus autem, quod istud subsidium respectu contributionis Cleri, & Ecclesiarum, Locorumque Piorum, & personarum Ecclesiasticarum praedictorum Regnorum scilicet decem, & novem millionum praedictorum ducatorum cum dimidio alterius millionis succedat loco quorumcumque onerum, gravaminum, & impositionum, etiam pro militibus, & aliis quibuscumque impostorum, ac etiam loco quorumcumque aliorum subsidiorum super millionibus per fel. rec. Innocentium Papam X., aliosque Praedecessores nostros haecenus approbatorum, & concessorum, ita quod illorum vigore nihil amplius a Clero, nec a quoquam Ecclesiarum, Locorumque Piorum, & Ecclesiasticorum praedictorum exigi possit, quodque pecuniae ex praedictis subsidiis, & gabellis, seu sisis, ut praefertur, a dictis Ecclesiasticis exigenda in praedictis, & non in alios usus convertantur, super quo ejusdem Majestatis tuae, ejusque Ministrorum, & Officialium quorumcumque conscientias oneramus.
§.5. Decernentes praesentes literas validas, firmas, & efficaces existere, & fore; sicque, & non aliter quovis praetextu, ratione, vel causa per quoscumque Judices ordinarios, & delegatos etiam causarum Palatii Apostolici Auditores, sublata quacumque omnibus, & singulis cujuscumque gradus, status, conditionis, qualitatis, praeminentiae, & dignitatis etiam Ecclesiasticae, etiam individua mentione dignis quomodolibet in contrarium judicandi, definiendi, & interpretandi facultate, & auctoritate, judicari, interpretari, & defini debere, ac irritum, & inane, si secus super his a quoquam quavis auctoritate scienter, vel ignoranter contigerit attentari.
§.6. Non obstantibus Constitutionibus & Ordinationibus Apostolicis, etiam in generalibus Conciliis editis, privilegiis quoque, indultis, & literis apostolicis Ecclesiis, Regnis, Personis, Capitulis, Monasteriis, Conventibus, Collegiis, & aliis praedictis sub quibuscumque tenoribus, & formis, ac cum quibusvis etiam derogatoriis derogatoriis, aliisque efficacioribus, efficacissimis, & insolitis clausulis, irritantibusque, & aliis decretis in genere, vel in specie, ac alias in contrarium praemissorum quomodolibet concessis, approbatis, & innovatis. Quibus omnibus, & singulis, etiam si pro sufficienti illorum derogatione de illis, eorumque totis tenoribus specialis, specifica, & individua, ac de verbo ad verbum Bull. Rom. Tom. VI. Par. IV.

Subsidium in nullis alios usus converti jubet.

Decretum irritans.

Contraria tollit.

non autem per clausulas generales idem importantes mentio, seu quavis alia expressio habenda esset, illorum tenores, ac si de verbo ad verbum nihil penitus omisso exprimerentur, praesentibus pro plene, & sufficienter expressis, & insertis habentes, illis alias in suo robore permanfuris, ad praemissorum effectum specialiter, & expresse derogamus, ceterisque contrariis quibuscumque.
§.7. Ut autem praesentes nostrae litterae cum opus fuerit ad omnium notitiam facilius devenire possint, decernimus, ut earum exemplis, etiam impressis, manu alicujus Notarii publici subscriptis, & personae in dignitate ecclesiastica constitutae sigillo munitis, eadem prorsus fides in Judicio, & extra adhibeatur quae ipsis praesentibus adhiberetur, si forent exhibitae, vel ostensa.
Datum Romae apud Sanctam Mariam Majorem sub Annulo Piscatoris die 14. Sept. 1658. Pontificatus nostri Anno IV.

Transumptum habet.

Dat. die 14. Sept. 1658. An. IV.

Ex Regest. in Secret. Revv.

Procurium.

Supplicatio.

CCVII.

Confirmatio facultatis cognoscendi certas causas appellationum Praesidentibus Collegii Doctorum J.U. Civitatis Perusinae a Leone X. concessa, & a Clemente VIII. confirmata.

ALEXANDER PAPA VII

Ad futuram rei memoriam.

Constantis fidei, & sincerae devotionis affectus, quem dilecti filii Communitas, & homines Civitatis nostrae Perusinae erga Nos, & Romanam gerere comprobantur Ecclesiam, promeretur, ut eos specialis favore gratiae prosequamur.
§.1. Exponi siquidem Nobis nuper fecerunt Communitas, & homines praedicti, quod dudum fel. rec. Clemens Papa VIII. Praedecessor noster per quasdam suas in simili forma Brevis die 30. Julii 1593. expeditas literas inter alia, concessionem super facultate cognoscendi per Praesidentes Collegii Doctorum juris utriusque universitatis studii generalis Civitatis praefatae causas appellationum a sententiis Vicelegatorum, Gubernatorum, & aliorum quorumcumque ejusdem Civitatis Judicum summam, centum ducatorum non excedentem a rec. mem. Leone Papa X. Praedecessore pariter nostro factam, ac ipsius Leonis Praedecessoris literas desuper expeditas, quatenus essent in usu, confirmavit, & approbavit; inhibens Legatis, Vicelegatis, & Gubernatoribus praedictis in virtute sanctae obedientiae, ne ex tunc in posterum ipsi, vel eorum aliquis causas hujusmodi postquam coram dictis Praesidentibus introductae fuissent, avocare, & aliis Judicibus committere, aut quoquo modo jurisdictionem ipsam impedire valerent, seu praesumerent; Ac decernent. omnia, & singula contra praemissa acta, processus, & sententias nullius roboris, vel